


98065



SANCTISSIMI IN CHRISTO PATRIS
ET DOMINI NOSTRI DOMINI

BENEDICTI

DIVINA PROVIDENTIA

PAPÆ XIV.

LITERÆ DECRETALES

SUPER

CANONIZATIONE

BEATI PETRI REGALATI Sacerdotis Pro-
fessi Ordinis Minorum, Regularis Obser-
vantiaë inter Hispanos
Restitutoris,

ROMÆ, MDCCXLVI.

Ex Typographia Reverendæ Cameraë Apostolicæ.



REIMPRESSÆ

Superiorum Permissu

CRACOVIAE,

TYPIS UNIVERSITATIS.

Est. N. 469

BENEDICTUS EPISCOPUS


SERVUS SERVORUM DEI

Ad perpetuam rei memoriam.

Exordium



Negotiatores Cœli qui fidelibus Redemptoris nostri promissionibus innixi, quæcumque Mundus appetit, quæ caro concupiscit, quæ Dæmon pollicetur, omnia relinquunt, ut Christum bajulantem sibi Crucem, per asperam angustamque viam prosequantur, non modo inæstimabilem bonæ negotiationis fructum in æternæ vitæ possessione percipiunt, sed etiam in terris centuplum, pro omnibus quæ dimiserunt, utilissimâ commutatione lucrantur. Dum enim vitæ hujus oblectamenti, per mortificationis & continentiæ studium renunciant, puris tranquillisque voluptatibus, de conscientiæ serenitate, ac Divini favoris suavitate, repelluntur; dum anxias Mundi divitias, Evangelicam paupertatem amplexi, à se abdicant, supernorum charismatum thesauris abundè ditantur; & pro vanis fluxisque honoribus, quos contempnunt, veram solidamque gloriam, non solum coràm Angelis Dei, sed etiam coram hominibus adipiscuntur. Vidit hæc Cœlesti lumine edoctus BEATUS PETRUS REGALATUS, Ordinis Minorum Alumnus, ejusque disciplinæ, quam Sanctus Patriarcha Franciscus discipulis suis tradiderat, perfectissimus ipse Sectator, & in aliis quoque Restitutor. Gustavit, quam suave ac bonum esset, abnegatis secularibus desideriis, uni Deo adhærere; reliquit quæ sua erant, ut Christum lucrificeret: Verum in
ipsis



98065

I hr

ipsis etiam voluntaria paupertatis angustiis dilatatum est
cor ejus, ut quarum rerum nec possessione, nec affectu tene-
batur, in eas mirum saepe jus & imperium, supra id quod
naturæ leges ferunt, Deo concedente, exerceret. Nunc
deniq; ad immensum Gloriæ pondus, quâ is jam dudum in
Cœlis potitur, non exiguus in Terris accessit honoris cu-
mulus, decreto eidem cultu universæ per Orbem Ecclesiæ,
cui Nos, licet indigni, Divina voluntate præsidentes, ipsam
Beatum Virum, Christianorum Virtutum perfectione, &
Miraculorum claritate illustrem, inter Sanctos Confessores
à Nobis, cum consilio Venerabilium Fratrum Nostrorum
S. R. E. Cardinalium, necnon Patriarcharum, Archiepi-
scoporum, & Episcoporum in Romana Curia frequenti nu-
mero congregatorum, rite ac solemniter adscriptum, reli-
giosa veneratione prosequendum, & proficua devotione
invocandum proponimus; ac præsentium Literarum te-
nere denuntiamus.

Vallisoleti, Nobili Hispaniæ Urbe, natus est PETRUS
Anno salutis MCCCXC. , ex Nobilibus piisq; Parentibus,
quorum disciplinâ & exemplis eruditus, ac Divinâ præ-
sertim gratiâ præventus, capit à puero ad Christianæ per-
fectionis leges vitam moresq; suos componere, & con-
formare; quin etiam vix decimo ætatis anno transacto, do-
mesticis facultatibus honoribusq; contemptis, Franciscani
Instituti habitum ac professionem expetere. Restitit qui-
dem ab initio amantissima Mater, & piis Filii desiderii
obsecundare triennio toto recusavit; verum is in sancto
proposito firmiter perseverans, eumq; præferens Matri, quem
præferre jubemur & animæ Nostræ, instando & obsecrando,
tandem obtinuit, ut ad Religiosæ vitæ Tyrocinium, mox
etiam ad solemnia emittenda Vota in patriæ Civitatis, Cœ-
nobio admitteretur. Ex eo tempore quum in suscepto per-
fectionis curriculo, per internæ humilitatis, externæque
mortificationis studium, per assidua Orationis, & contem-
plati-

*S. Petri
Regalati
orum
initia*

*Ordinem
Minorum
ingrediuntur*

plationis exercitia, per sollicitam puri cordis & sensuum custodiam, novos semper progressus faceret, numquam respiciens retro, sed ad perfectiora & sublimiora extendens se ipsum; ad illud brevi pervenit virtutis fastigium, ut & in omnibus religiosi Viri officiis toti Sodalitio exemplis suis præluceret, & sanctioris disciplinæ in Minorum Familia non nihil tunc temporis laxatæ in pristinum splendorem restituendæ, inspirante Deo, consilium caperet, eodemq; adjuvante, ad effectum merè perduceret.

Ejusq; Re- Etenim occasionem nactus, quâ Vir pius, ac prudens
formatio- Frater Petrus Villacretius ejusdem Ordinis Professor, pote-
nem unâ state à Superioribus sibi facta, Hispaniæ Cœnobia peragra-
cum Petro bat, ut ex iis, qui à subinducta libertate ad perfectionem,
Villacretio vivendi rationem transire cuperent, peculiarem veluti gre-
promove- gem conflaret, in quo pristina Franciscanæ Regulæ puri-
tas, & austeritas revivisceret, nihil cunctatus PETRUS se
illi socium adjuxit, & in solitariam Domum propè Aquile-
riam Oxomensis Diœcesis Oppidum permissu Episcopi ex-
tractam, lubens cum eo secessit. Ibi in perpetuis pietatis
& poenitentia & exercitationibus ambo viventes, non so-
lum Cœlestium gratiarum copiam, sed etiam hominum ad-
mirationem sibi conciliarunt; ut eâ permoti quamplurimi,
tum ex ipso Fratrum Minorum Ordine, tum è seculari Cle-
ro, & è Populo, in eorum Societatem admitti certarint,
eorumq; disciplinæ se instituendos tradiderint. Quare cum
nova Reformatorem Familia ad eum numerum aucta fu-
isset, ut jam Aquileriensibus Ædibus contineri minimè pos-
set, alterum ejusdem Instituti Cœnobium de Abroxo nun-
cupatum in Agro Tribulano ad Ripam Durii Fluminis
construi, opus fuit.

Reforma- In horum Conventuum regimine, quoties nascentis
orum Cœ- Reformationis negotia Villacretium aliò vocabant, PE-
nobis ge- TRUS REGALATUS ipsius vices sustinere consuevit.
bernat. Cum verò idem Villacretius, post obtenta à felicis recorda-
tionis

tionis Martino Papa V. Prædecessore Nostro, quem præsens
adierat, quæcunq; ad ipsius reformationis firmitatem,
atque dilatationem maximè optaverat, ex hac vita plè mi-
grasset, communi Religiosorum Voto in ipsius locum suffe-
ctus est PETRUS, qui sicut eum viventem in prælaudati
operis constitutione & administratione, consilio suo atq;
opera maximè iuverat, ita deinceps non modo Aquilerien-
se Coenobium in quo præcipuum fixit domicilium, sed Tri-
bulanum etiam, quod modò per seipsum, modò per Vica-
rios à se delegatos regebat, ad perfectioris disciplinæ nor-
mam sanctissimè gubernavit.

*Ipsius re-
ligiosa
virtutes.*

Fuit in eo ad Socios, Subditosq; in via Mandatorum
Dei dirigendos, non solum eximius zelus, & assidua vigi-
lantia, verum etiam in omni virtutum genere præclari
exempli lux & auctoritas. Quorum enim jejuniorum obser-
vantiam ad mentem Sancti Fundatoris in usum reduxerat,
ea ipse & exactè servabat, & voluntariis abstinentiæ rigo-
ribus cumulabat, quum nullum ferè obsonii genus ad pa-
nem & aquam plerumq; adijceret, & præter dies Domi-
cos, nihil omnino ad vesperam sumeret, quinimo totos
sæpè dies absq; ullo cibo transigeret in laboribus aut o-
rationibus, quarum etiam amore nonnumquam integras no-
ctes insomnes ducebat, vel humi cubando, curabat, ut ne
quid somni caperet, præter id, quod ineluctabilis naturæ
necessitas postulabat. Duris præterea flagellis, asperimis
ciliciis corpus affligere, & in servitutem redigere non-
desinebat. Paupertatis verò adeò amator fuit, ut quæ præ-
cæteris attritæ, & lacerae vestes essent, eas ipse sibi delige-
ret, nec unquam ferè sandaliis aliove calcamenti genere
uteretur, sed nudis plerumq; pedibus ad humilitatis & po-
nitentiæ exercitium, incederet.

Quare cum sibi ac mundo crucifixus omnino esset, mi-
nimè est mirandum, si totum cor ejus sibi vindicavit. Coe-
lestium amor, cujus virtute fortiter tractus, ac dulcedine
suaviter

*Pietas in
Deum.*

suaviter illectus ineffabilia Divinitatis attributa, & Redem-
ptionis nostræ mysteria, præsentissimo animi sensu affi-
duè contemplabatur, adeoq; in piis meditationibus affecti-
busque inardebat, ut sæpe clarissimus lucis splendor ex
ipsius corpore diffusus, non solum ad cubicali ambitum,
sed longè latèq; supra Coenobii tectum emicaret; cujus rei
causa a finitimis cognita, *Domus Dei* nomen Coenobio in-
ditum fuit, quo etiam usq; in præsentem diem appellatur.
Ex frequentibus verò mentis excessibus, quibus ad interi-
ora cum Deo colloquia admittebatur, quum Cœlestium vir-
tutum formam in se referret, earum quoq; exemplar alio-
rum animis imprimere vehementer optabat. Hinc ortum
habuit zelus ille ardentissimus, quo ad animarum salutem
opportuissimis rationibus procurandam accendebatur; neq;
solum Religiosos Viros curæ suæ peculiariter commen-
datos, exemplis præceptisq; suis ad perfectionis culmen du-
cere satagebat; sed cæteris etiam omnibus operâ, consilio,
sermone, ac potissimum impensis miseræ cordiæ & caritatis
officiis, tutissimam ad Cœlum viam monstrare & com-
planare curabat. Hic erat præcipuus ipsius scopus, & cum
pauperes Christi ægritudine afflictos, eosq; maximè, quos
propter horrificam morborum speciem, aut contagionis pe-
riculum, ab aliis derelictos conspiciebat, per se ipse adju-
vare, hospitio recipere, laboriosa duratione sublevare ge-
liebat; & cum, cotrogata à divitiotibus stipe, calamitosi
omnibus opem ferre, potissimum verò Christifidelibus apud
barbaros in captivitate detentis, libertatem impetrare,
studebat; cum demùm inimicitias omnes simultates inter
fideles componere omni studio nitebatur: ut scilicet pec-
cata, & vitia eliminaret, pericula, occasionesq; peccandi
omnibus subtraheret, & proximos a se adjutos, non sibi,
sed Christo lucrifaceret atq; ad Divinæ Bonitatis amorem,
ad Evangelicæ legis observantiam adduceret. Deniq; pur-
gantium Defunctorum cruciatus pio commiserationis affe-
ctu

Charitas
in Proxi-
mos.

1711
1712

Et respiciens, oblati Deo precibus, Sacrificiis, jejuniis, aliq; voluntariis sui corporis castigationibus, prolatantibus ipsis æternæ Beatitudinis possessionem accelerare curabat.

His aliisque virtutibus apud suos, externosque clarus, Miraculorum quoque gratiâ, aliisque supernaturahbus donis illustris, cum ad sexagesimum sextum ætatis annum pervenisset, jamque prospiceret, haud procul esse depositionem Tabernaculi sui, de apto idoneoque Rectore gregi suo post se relinquendo sollicitus, longum asperumq; iter ingressus est, ut Lupum Salazarium antiqui Instituti cultorem ac vindicem, ad id muneris suscipiendum suaderet. Eâ re impetrâta, quum Tribulanum Coenobium in reditu visitasset, inde ad Aquilerienſe se contulit, ubi lethali morbo correptus, decubuit, exactoque inter acerbos cruciatus atque languores integro Quadragesimæ cursu, tandem die sancto Paschæ Eucharistici Panis viatico munitus, & sequenti die ab Episcopo Palentiæ Oleo Sancto unctus in nomine Domini, quum dilectissimos Fratres ad severioris disciplinæ custodiam, ad paupertatis studium, ad imitationem Christi etiam atque etiam hortatus esset, animam suam in manus Dei fidenter amanterque commendans, justorum somno obdormivit tertio Kalendas Aprilis Anno salatis MCCCCLVI.

PETRI corpus, ut piis fidelium turbis ad Coenobium undique concurrentibus satisfaceret, per aliquot dies inhumatum remansit; cumque nullas interim mortalitatis injurias pareretur, tandem in communi Fratrum Sepulchro conditum fuit; unde tamen post triginta sex annos translatum fuit ad prænobile loculamentum, quod ipsi clar. mem. Elisabetha Castellæ Regina ex alabastro marmore extrui curavit.

Ibi & propter constans hominum judicium de Servi Dei Sanctitate, & propter Miraculorum frequentiam, assidua venerationis & cultus osequia à piis Fidelibus ipsi delata fuerunt.

Et

fol. 88
v. 111
1111

Extrema
vira &
obitus.

*Acta sub
Urbeno
VIII.*

*Veritatem
& Miracu-
lorum ap-
probatio.*

Et sanè de generali ipsius Sanctitatis, virtutum & Miraculorum fama, Testes sunt antiqui Processus auctoritate Ordinaria super eo confecti, qui cum ante hos centum viginti annos ad hanc Sanctam Sedem delati fuissent, & pro legitimo cultu eidem Servo Dei asserendo, Apostolicæ definitionis oracula, instantibus etiam Catholicis Hispaniarum Regibus, universoq; Ordine Fratrum Minorum S. Francisci, vehementer expeterentur, visum est fel. recor. Urbano Papæ VIII. Prædecessori Nostro, signatâ Cirographo suo Commissione, ad discutiendam in specie ipsius Beatificationis & Canonizationis Causam, novorum Processuum constructionem demandare. Quibus deinde ad Urbem allatis, & trium antiquiorum tunc temporis Causarum Palatii Apostolici Auditorum examini subiectis, quum hi, pro sua integritate & prudentia, eorum validitatem & relevantiam plenissimè approbantes, in luculenta Relatione eidem Urbano Prædecessori exhibita tam præclaras Servi Dei virtutes in gradu heretico, quàm illustria in vita & post mortem ejus intercessione patrata Miracula, satis demonstrata esse censuissent; idem ibidem Urbanus Prædecessor ipsius Causæ judicium remisit Congregationi Sacrorum Rituum; Quæ post approbatam eorundem Processuum validitatem, & examinis formam, quum decrevisset, unâ cum dubio de Regalati virtutibus, alterum quoq; de Miraculis ipsius intercessione sequutis proponi & expendi; quatuor infra scripta Miracula ad trutinam vocavit. Primum, quod olim in visitatione Conventuum Aquilerie & Tribuli, quam Dei Servus pedes peragebat, intermedium spatium quadraginta millium passuum unius horæ intervallo confecisset. Alterum, quod quum collectas è communi Mensa reliquias aliquandò deferret ad pauperes, ob idq; à Vicario sibi occurrente objurgaretur, quod supra modum in extremos se liberalem præberet, quumq; is nil aliud quam flores deferre se asseverasset, flores revera in sacco reperti sunt, quos neque anni
tempus

tempus, neq; Regionis natura suppeditare potuerant. Tertium, quod Durii Fluminis aquas, quoties increbuisse, & navicula deesset ad transfretandum, extento super eas pallio, non semel sicco pede transierit. Quartum denique, quod pauperi post ipsius obitum assuetâ elemosyna præ Cœnobii foribus fraudato, eâque de re ad ipsius PETRI sepulchrum conquerenti, exerto à sepulchro brachio, panem porrexerit. Hisq; admirabilibus sanè prodigiis, quæ etiam à vetustissimis temporibus marmoreo Servi Dei sarcophago insculpta cernebantur, maturè discussis & approbatis; peracto quoq; virtutum examine; eadem Congregatio Decretum edidit die xvi. Novembris anni MDCXXX., quò tam Virtutes ejusdem Servi Dei, quàm ipsa prædicta Miracula comprobata fuerunt.

Quum verò paulò post, super hujusmodi judiciorum ordine & methodo, nova & consultissima ejusdem Urbani Papæ VIII. Decreta prodissent, proindeque inducta fuisset necessitas ostendendi, quod iis paritum esset; antequam ad ulteriora in hac Causa procederetur, opus fuit planum facere, quod per centum annos, imò, veriùs per duo ferè sæcula ante eorundem Decretorum editionem, publicus cultus ipsi Dei Servo præstitus fuerat. Quare post aliquod annorum silentium, percrebescentibus religiosis Catholicorum Principum & Populorum votis, instantibus quoq; quamplurimis Episcopis, universoque prædicto Ordine Fratrum Minorum Sancti Francisci, Anno Domini MDCLXXV. à fel. recordat. Prædecessore pariter Nostro Clemente Papæ X., de consilio præfatæ Congregationis Sacrorum Rituum, signata fuit Commissio pro reasumptione Causæ in statu & terminis, cum facultate in primis & ante omnia conficiendi Processum particularem super partitione Decretis Urbani Papæ VIII. de non cultu editis, seu super casu ab eisdem excepto: & consequenter ab Episcopo Oxoniensi, vigore Literarum à prædicta Congregatione ipsi directarum,

Approbatio cultus.

tum, confectus fuit hujusmodi Processus, ac sententia ritè
prolata super Cultu eidem Beato Viro à centenario tempo-
re, & ultra, publicè exhibito, ac proinde de casu à præfa-
tis Urbani VIII. Decretis excepto: Quam portò sententi-
am in prædicta Congregatione Sacrorum Rituum revisam &
approbatam, sa:mæ Prædecessor pariter Noster Innocenti-
us Papa XI. Apostolica auctoritate confirmavit & roborav-
it, Decreto edito die xvii. Augusti anni MDCLXXIII.

*Ejusdem
cultus am-
plificatio.*

Itaque non solum ipsius Beati PETRI cultus impen-
sioribus Fidelium studiis per totam Hispaniam aliasque Re-
giones frequentari cepit, verùm etiam subsequitis Aposto-
licæ Sedis Indultis magnopere auctus fuit; Concessa primùm
in ipsius honorem Officij Divini, ac Missarum celebratione
per Ordinem Fratrum Minorum de Observantia, & per ali-
quas Hispaniæ Dioceses; Mox extenso per gradus hujus-
modi Indulto ad universam Franciscanorum Familiam, &
ad omnes Hispaniarum Civitates atque Dioceses, cum O-
ratione etiam, & Lectionibus propriis, ab eadem Congre-
gatione Sacrorum Rituum examinatis & approbatis; De-
mum permissa ab eodem Innocentio Translatione Corporis
ipsius Beati PETRI ad novum atque splendidius Sacellum,
piorum sumptibus in ipsius honorem excitatum.

*Judicium
super novis
Miraculis
instructum*

Quoniam verò juxta Apostolicarum sanctionum De-
creta, ad solemnem Beati Canonizationem minimè proce-
di poterat, nisi demonstratum fuisset, nova, post indultam
ipsi venerationem, miracula supervenisse, idè quum dela-
tum fuerit ad fel. recordat. Prædecessorem Nostrum Bene-
dictum Papam XIII. nonnulla Miracula ab Omnipotenti
Deo ad invocationem ejusdem BEATI PETRI recens pa-
trata fuisse, placuit ipsi Apostolicæ auctoritate necessarias
facultates delegare Episcopis Oxoniensi, & Palentino, ut
juxta instructiones his transmittendas, super hujusmodi ac-
certis Miraculis Testes examinarent, aliasq; legitimas proba-
tiones colligerent. Hinc delatis ad Urbem Processibus ab

iis confectis, eorumque validitate, nec non examinis for-
nâ, in Congregatione Sacrorum Rituum recognita, &
juxta ipsius Congregationis consilium, à fel. pariter recor-
dat. Clemente Papa XII. Decessore Nostro approbatâ; mox
etiam alio Processu ejusdem Clementis auctoritate constru-
cto super novissimo Miraculo, ut ferebatur, in Diocesi Pa-
lentina edito, cujus pariter Processus validitas approbata
fuit; De hujusmodi Miraculorum relevancia, secundum
collectas probationes, à Dilecto Filio Magistro Ludovico
de Valentibus Promotore Fidei diligenter excussas, actum
primò fuit inter præfatâ Congregationis Consultores co-
ram Dilecto Filio Nostro Antonio Xaverio Tituli S. Ste-
phani in Monte Caelio Presbytero S. R. E. Cardinali Gentili
nuncupato, hujus Causæ Ponente à Nobis deputato. Dein-
de, novis animadversionibus ab eodem Fidei Promotore
exaratis, iterum iidem Consultores coram universis Vene-
rabilibus Fratribus Nostri S. R. E. Cardinalibus præfatæ
Sacrorum Rituum Congregationi præpositis, in Quirinali
Palatio Nostro congregatis, sententias suas dixerunt: Atq;
ita demum Causa plenè discussa, & per novissimas prædi-
cti Promotoris animadversiones accuratissimè cribrata,
ad Nostrum judicium delata fuit. Nos verò omnibus ge-
storum probationibus examinatis, & tam facti & juris al-
legationibus, quàm Peritorum judiciis & consultationibus
perlectis; auditis etiam oretenus tum Causæ Postulatori-
bus & Patronis, tum etiam præfato Promotore Fidei;
Congregationem generalem prædictorum omnium tam Car-
dinalium, quàm Consultorum die secunda Junii Anni
MDCCXLIV. coram Nobis coegimus.

Et quamvis ex tam exquisita rerum omnium discussio-
ne, ex Consultorum suffragiis, quæ Nobis antea in scri-
ptis oblata perpendimus, quin etiam in Summarium reda-
cta eidem Cardinalium Congregationi per Nosmetipsos
exposuimus, ac deniq; ex consiliis prædictorum Ven. Fra-

rum Noſtrorum in eadem Congregatione à Nobis auditis, jam ſatis omnia videri potuiſſent clariffima in luce collo- cata; Nihilominus ut uberioſorem Cœleſtis luminis gratiam perſeveranti oratione impetrare mereremur, Noſtram ad- huc ſententiam proferre diſtulimus, uſq; ad diem Feſtum S. Bonaventuræ ejuſdem Ordinis Fratrum Minorum S. Fran- ciſci; quo die, celebrata Miſſa in Eccleſia S. Mariæ Ara- Cœ- linuncupata, ſolemni Decreto edito, duo infraſcripta Miracula ipſius BEATI PETRI interceſſione à DEO ob- tenta approbavimus & publicavimus.

*Miracula
pro Cano-
nizatione
approbata*

Primum eſt de Cœco illuminato, Didaco nimirum Sa- cerdote, cognomento Plaſentia, qui cum epileptico paro- xiſmo correptus in domesticum focum prunis ardentibus reſertum corruiffet, eoque caſu plenam ferventis aquæ ollam ſubveriffet, uſſatâ facie, etrematis palpebris, & oculorum acie labefactatâ, omnem videndi facultatem pe- nitius amiſit, nec eam quatuor circiter menſium ſpatio, plu- ribus etiam remediis adhibitis, ulla in parte recuperavit. Verum quod neque à natura, neque à Medicorum arte obtinere jam amplius ſperabar, id ei ab Omnipotenti DEO mirabiliter conſeſſum fuit per merita B. PETRI REGA- TI, cujus Cacullum oculis ſuis admoveri curavit; dum ad illius Reliquiæ contactum, illico perfectiſſimum ocu- lorum uſum recepit, quem ad mortem uſq; haud imminu- tum retinuit.

Alterum recentius Miraculum experta fuit Birgita Ortega in ſanatione horrendi ulceris, quod ipſi ex prævio tumore, & intercluſa ſanie, in ſinistra lumborum regione obortum, cum integumenta omnia, quibus renes contine- bantur, & duas quoque coſtas maligna corruptione depa- ſcendo abſumpſiſſet, contracto demum callo, & acerbiffi- mis doloribus cum febris accedentibus, jam propè erat, ut ipſam Mulieris vitam præcideret. Cum tamen illa ad Beati ſepulchrum adduci ſe poſtulaffer, ibique ipſius opem apud Deum

Deum cum lacrymis implorasset, iter ingressa ut domum rediret, sensit se repente sanata, atq; ulceris locum inspicieciens, invenit amplissimam fistulam coaluisse, & cicatrice indurata, nullas alias morbi reliquias jam superesse; Quin etiam auctis sibi corporis viribus, optima deinceps usa est valetudine, dum vita fuit.

His itaque duobus Miraculis cognitis & approbatis, illud definiendum supererat, an res eo adducta videretur, ut ad solemnem Beati Canonizationem tuto procedi posset: Qua in re quum jam pridem dubitatum fuisset, an obstaret Decretum a Nobis editum die XXI. Aprilis Anni MDCCXLI., quo scilicet, inter alia, statuimus, in Causis Servorum Dei per viam Cultus immemorabilis, sive Indulti procedentibus, & in quibus virtutes ex Testibus duntaxat de auditu, sive ex coævorum Scriptorum testimonio probata fuissent, quum post approbationem Cultus immemorabilis, ad solemnem Canonizationem transitus fieri vellet, non duo solum, ut olim obrinuerat, sed quatuor in posterum Miracula ritè probari debere: Hujusmodi dubitatio a Nobis sublata fuerat per aliud Decretum die secunda Augusti ejusdem anni prolatum, quo declaravimus, hanc Causam ab ea lege exceptam esse & ceteri debere, ob eam nimirum justissimam rationem, quod quum jam usque a temporibus Urbani Papæ VIII., ut supra diximus, una cum heroicis BEATI PETRI virtutibus, quatuor simul Miracula approbata fuerint, jure dici poterat prædicto generali Decreto Nostro antecederet paritum fuisse, proindeque ad ipsius Beati Canonizationem, non quatuor sed duo tantum Miracula approbanda superesse. Itaque prædicta questione proposita in Congregatione generali Sacrorum Rituum coram Nobis habita die XXI. Septembris Anni MDCCXLIV., unanimis omnium sensus fuit, ut ad solemnem BEATI PETRI Canonizationem servatis servandis quocumque procedi posset; Nosque ipsi deinde so-

lemne

De tuto
progressu
ad Cano
nizatione

lemne Décretum in eandem sententiam edidimus die vi.
Octobris ejusdem Anni.

*Consistorium se-
cretum.* Cumque Charissimi in Christo Filii Nostri Philippus V,
& Elisabetha ejus Conjux, Hispaniarum Reges Catholici,
cum reliquis ipsorum Regiæ Familiæ Principibus, oblatas
jam pridem à Prædecessoribus suis Apostolicæ Sedi preces
& postulationes pro hujus Beati Viri Canonizatione omni
studio foverent, accederentque in eum finem complurium
Ven. Fratrum Hispaniæ Antistitum, totiusque Religiosissimi
Ordinis Fratrum Minorum S. Francisci vota & obsecratio-
nes; Nos, ut in hoc gravissimo negotio juxta præscriptam
servatamque à Prædecessoribus nostris agendi normam pro-
cederemus, universi primum Collegii Ven. Fratrum Nostro-
rum S. R. E. Cardinalium in Consistorio secreto VI. Idus
Aprilis coram Nobis congregatorum sententiam atque
consilium exquisivimus. Quibus, post auditam à Nobis
gestorum seriem, & Beati Viri præclara merita, ad legiti-
mam Causæ hujus absolutionem unanimi voce Nos
adhortantibus; non viciniore modò, sed etiam re-
motiores per Italiam Episcopos & Archiepiscopos moneri
curavimus, ut circiter Kalendas Junias, quibus commo-
dum esset, ad Urbem sese conferrent; quò & instantem
Natalem diem Beatorum Apostolorum Petri & Pauli,
veteri more, nobiscum unà celebrarent, & Nobis de sæ-
pe dicti B. PETRI REGALATI, nec non BB. Fidelis à
Sigmaringa Martyris, Camilli de Lellis, & Josephi à
Leonissa Confessorum, & Catharinæ de Ricciis Virgi-
nis, solemnè Canonizatione deliberantibus, consiliorum
suorum suffragia, prout Spiritus Sanctus ipsis sugges-
sisset, exponerent.

*Consistorium pu-
blicum.* Ut autem præclaræ ipsius B. PETRI virtutes, ejusque
insignia Miracula, nec non adhibitæ cautiones in totius
Causæ discussione, neminem laterent, indistò prius coram
Nobis plenario concessu omnium Ecclesiasticorum Ordini-
um

num, & Collegiorum ac Magistratum Romanæ Curie,
mandavimus à Dilecto Filio Joseph Ascevolino nostræ
Consistorialis Aulae Advocato de præmissis omnibus verba
fieri; mox etiam exactam eorundem narrationem ex au-
thenticis documentis religiosè collectam, ac Typis im-
pressam, omnibus suffragium lateris exhibere curavimus.
Demum convocatos in Consistorio semipublico die XI.
currentis Junii universos Ven. Fratres Nostros S. R. E. Car-
dinales, nec non Patriarchas, Archiepiscopos & Episcopos,
qui jam frequentes undique in Urbem convenerant, con-
ceptis verbis requisivimus an ad ipsius B. PETRI Canoni-
zationem deveniendum Nobis esse censerent. Ipsi vero
summo animorum consensu gravibusque rationibus, omnes
in affirmativam Sententiam ire comperti sunt. Qua de re
à Dilectis Filiis Apostolicæ Sedis Notariis ibi præsentibus
publica Instrumenta confici, ac præter ea suffragiorum
ipsorum exempla à singulis prædictis subscripta in Tabu-
larium Ecclesiæ Romanæ inferri mandavimus.

Nos autem priusquam de summa rei definiendo pro-
nunciaremus, ut, quid placitum esset coram Deo, ab ipso
Patre luminum edoceri mereremur; indictis per Urbem
jeuniis, designatisque Ecclesiis, cum Indulgentia ab iis
consequenda, qui Nobiscum Cœlestem opem implorarent.
orationibus, & obsecrationibus instare non prætermisi-
mus; donec hac die coruscante SS. Apostolorum Petri &
Pauli Natalitio dicatâ, magnam venerandæ solemnita-
tis lætitiâ, novo Ecclesiæ gaudio, per definitivâ hujus-
modi Sententiæ prolationem, cumulare decrevimus. Qua-
re, præeuntibus supplicationis generalis, ritu omnibus
primùm Cleri Regularis Ordinibus, tum Ecclesiarum Col-
legiatarum, & Basilicarum, etiam Patriarchalium, Cleris
atque Capitulis, nec non præfatæ Congregationis Sac.
Rituum Consultoribus, Nos ipsi demum cum dilectis Fi-
liis Aulae Nostræ Officialibus, & Familiaribus, cum Schola
Canto.

*Cardina-
lium & E-
piscoporū
consilia in
Consistorio
semipub-
lico.*

*Solemnis
Canoniza-
tionis.*

Cantorum, cunctisque Romanae Curiae Praelatorum Collegiis, Presbyteris quoque Poenitentariis Sacerdotali veste indutis, denique cum Ven. Fratribus Episcopis, Archiepiscopis, & Patriarchis, qui ad octoginta fere adfuerunt, universoque Ven. Fratrum nostrorum S. R. E. Cardinalium Collegio, ex Apostolicis Aedibus prodeuntes, frequenti Procerum, & Magistratum numero stipati, & subsequentibus Apostolicae Sedis Notariis, ac Regularium Ordinum Generalibus Superioribus, ad Basilicam Beatissimi Apostolorum Principis in Vaticano, Coelestis Sponsae ornatu fulgentem, Nos laeti contulimus; quo Nos vocabat & ipsa memorabilis diei festivitas, & antiquissima Praecessorum Nostrorum consuetudo, quibus solemne fuit praecclaros hujuscemodi Sanctorum triumphos non alibi, quam apud memoriam ejusdem B. Petri Apostoli, celebrare.

Instantia. Ibi quum Dilectus Filius Noster Joachimus Tit. Sanctorum Quatuor Coronatorum Praesbyter S. R. E. Cardinalis Portocarrero nuncupatus, perorante Dilecto Filio Virgilio Montecatino Nostrae Consistorialis Aulae Advocato, enixas, quas supra innuimus, supremorum Principum, Ecclesiarum, & Ordinum preces atque postulationes, pro B. PETRI REGALATI, aliasque pro BB. Fidelis, Camilli, Joseph, & Catharinae Canonizatione Nobis instanter representasset; Nos quidem ad gravissimi Judicii definitionem, absque iterata Coelestis auxilii invocatione, procedere non audentes, decantatis cum Venerabili Consecratorum catu & devotissimo Populo Sanctorum Litanis, DEUM Opt. Max. per omnium electorum suorum merita precati sumus, ut Sedium suarum assidricem sapientiam in cor nostrum immittere dignaretur. Cumque adhuc instantius pro exoptatae Sententiae prolatione ab eodem Cardinali Promotore urgeremur; Nos iterum in genua provoluti, Paraclitum Spiritum Sanctum Hymno, & Oratione solemni rogavimus, ut lucis suae radium emittens

tens, mentis nostræ tenebras discuteret, trepidantem
adhuc fragilitatem nostram virtutis suæ robore confir-
maret. Denique ad reiteratas, & instantissimas præmisso-
rum obsecrationes, quin potius ad manifesta universæ
Catholicæ Ecclesiæ vota, ad maturas deliberationes ritè
præhabitas, & declaratum jam pridem Ecclesiastici Sena- *Decretum*
tus consilium respicientes eaque auctoritate suffulti,
quam Dominus Noster JESUS Christus Beatissimis Apo-
stolis Petro & Paulo, Nobisque, licet immerentibus, tri-
buit in honorem Sanctæ & Individuæ Trinitatis, Fidei
Catholicæ exaltationem, & Christianæ Religionis au-
gmentum, definitivo pronuntiato Decreto, prædictum
PETRUM REGALATUM Ordinis Minorum S. Franci-
sci Sacerdotem expressè Professum, Regularis disciplinæ
adsertorem, & vindicem, Christianarum virtutum præstan-
tia, & Miraculorum gloria fulgentem, unâ cum supra-
dictis Fideli, Camillo, Joseph, & Catharina, Sanctum
esse declaravimus, & Sanctorum Catalogo adscripsimus;
statuentes ipsius Petri memoriam inter Sanctos Confesso-
res non Pontifices ab Ecclesia universali quotannis die
XIII. Maii pia devotione recolere debere; in Nomine Pa-
tris, & Filii, & Spiritus Sancti.

Mox decantato pro debita gratiarum actione con-
sueto Laudis, & Confessionis Hymno, Nostrisque & Ec-
clesiæ precibus prædictorum Sanctorum interventioni
commendatis, ad Aram Basilicæ Maximam supra Sacra-
tissimam Confessionem B. Petri Apostoli, incruentam
Salutis Nostræ Hostiam oblaturi, reverenter accessimus.
Porro post Evangelicam Lectionem à Diaconibus utrâq;
linguâ recitatam, continere labia nostra Non potuimus,
quin in tam justâ sanctâque lætitiâ, Sacerdotalibus vocibus
ex abundantia gaudii Nostrî erumpentibus, Splendidissi-
mam alloqueremur Ven. Fratrum, Dilectorumque Filio-
rum Coronam: ut quos devota Religio, & Apostolicæ
Sedis

Sedis reverentia, non ex Urbe modò, aut ex finitimis locis, sed ex longinquis etiam & ultra marinis Regionibus, ad Sepulchra Apostolorum frequenter attraxerat, antiquis Beatorum Principum victoris lætantes, & recenti Sanctorum triumpho plaudentes, ad eorum virtutes pro viribus imitandas, ad eorundem Patrocinia studiosè demerenda, atque in præsentibus potissimum calamitatibus, quibus Ecclesia Dei jam diu conficitur, enixè imploranda, Paterno affectu & sermone accenderemus.

Indulgentia.

Denique, concessa omnibus astantibus plenariâ peccatorum Indulgentiâ, his verò qui singulis annis, prædicta die XIII. Maii, ejusdem SANCTI PETRI REGALATI exuvias, aliisque statutis diebus aliorum Sanctorum prædictorum Sepulchra devotè visitaverint, septem annis, & totidem Quadragenis de injunctis eis, seu aliis debitis poenitentis, auctoritate prædicta in perpetuum relaxatis; Omnipotenti DEO vota nostra reddentes, Sacrosancta Mysteria, pro totius Mundi salute, pro Ecclesie pace, pro sanctæ Plebis incolumitate, solemnè ritu peregrimus.

Litteræ decernuntur

Quoniam verò post prolatam à Nobis, ut præfertur, hujusmodi Canozationis & Adscriptionis Sententiam, ab eodem Cardinali Promotore Nobis humiliter supplicatum fuit, ut super præmissis omnibus Apostolicas Litteras perpetuò valituras decernere, atque edere dignemur; ideò Nos justissimè petitioni annuentes, præsentium Literarum tenore, atque ex certa scientia, & Apostolicæ auctoritatis Nostræ plenitudine, omnia & singula prædicta confirmamus, roboramus, atque iterum statuimus decernimus, universaque Catholicæ Ecclesie denunciamus; Mandantes, ut earundem præsentium Trasumptis, sive Exemplis, etiam impressis, manu alicujus Notarii publici subscriptis, & sigillo Personæ in Ecclesiastica Dignitate constitutæ munitis, eadem prorsus fides ab omnibus hæc

Eorum exemplis fides cribitur.

beatu

beatum, quæ ipsis præsentibus adhiberetur, si forent exhibita vel ostensa.

Si quis verò paginam hanc Nostræ Definitionis, Decreti, Adscriptionis, Mandati, Statuti, Relaxationis, & Voluntatis infringere, vel ei ausu temerario contraire præsumserit, indignationem Omnipotentis DEI, & Beatorum Petri & Pauli Apostolorum ejus se noverit incursum.

Datum Romæ apud Sanctum Petrum Anno Incarnationis Dominicæ MDCCLVI., 111, Kalendas Julii Pontificatus Nostri Anno VI.

Sanctio
Dat. Pontific. A. 6.
die 29 Julii
1746.

✠ Ego Benedictus Catho-
licæ Ecclesiæ Episcopus.



- † Ego T. Episcopus Ostien. & Veliternæ. Card. Rufus
Decanus, & S. R. E. Vice-Cancellarius.
- † Ego A. Episcopus Portuensis Card. S. Clementis S. R. E.
Camerarius.
- † Ego V. Episcopus Prænestinus Card. Petra, Major Peni-
tentiarius.
- † P. A. Episcopus Albanæ. Card. Causa;
- †

Ego

† Ego P. Episcopus Sabinen. Card. Bithius.

† Ego Nicolaus Maria Tit. S. Petri ad Vincula Presbyter
Card. Lercari.

† Ego F. Tit. S. Maria Transyberim Presbyter Card.
Burgeseus.

† Ego A. Tit. S. Stephani in Monte Calio Presbyter Card.
Gentili.

† Ego Fr. J. A. Tit. SS. Silvestri & Martini Presbyter
Card. Guadagni.

† Ego T. Tit. S. Coecilia Presbyter Cardinalis de Aqua-
viva.

† Ego D. Basilica Sanctorum Duodecim Apostolorum Pre-
sbyter Card. Rivera.

† Ego J. B. Tit. S. Maria Angelorum Presbyter Cardin.
Spinula.

† Ego R. Tituli Sancte Sabine Presbyter Cardinalis de
Ilcio.

† Ego D. Tit. S. Bernardi ad Thermas Presbyter Cardinal.
Passioneus.

† Ego

† Ego S. Tituli Sancta Prisca Presbyter Card. Valentinus

† Ego J. F. Tit. SS. Quatuor Coronatorum Presbyter Cardinalis Portocarrero.

† Ego C. Tit. SS. Joannis & Pauli Presbyter Cardinalis Paulinus.

† Ego C. A. Tit. S. Maria de Pace Presbyter Cardinalis Cavalchinus.

† Ego H. S. Tituli in Foris S. Petri ad Vincula Presbyter Cardinalis Columinus.

† Ego R. S. Tituli S. Georgii in Velabro Presbyter Cardinalis Bonifacius.

† Ego S. S. Tituli S. Mariae in Domina Presbyter Cardinalis Sordani.

† Ego F. Tit. S. Mariae de Populo Presbyter Cardinalis de Ricciis.

† Ego A. Tit. Silvestri in Capite Presbyter Cardin. Rufus.

† Ego P. M. Tit. S. Agnetis extra muros Presbyter Cardinalis de Montibus

† Ego D. F. Matthaei in Merulana Presbyter Cardinalis Tamburrini.

† Ego D. J. Tit. S. Crucis in Hierusalem Presbyter Card. Besutius.

† Ego S. Tituli S. Petri in Vinis Presbyter Cardinalis Sordani.

† Ego S. Tituli S. Petri in Vinis Presbyter Cardinalis Sordani.

† Ego S. Tituli S. Petri in Vinis Presbyter Cardinalis Sordani.

† Ego Carolus S. Mariae in Via lata Diaconus Cardinalis de Marinis.

† Ego

- † Ego *Alexander S. Maria ad Martyres* Diaconus Cardinalis Albanus.
- † Ego *Nerius Sancti Eustachii* Diaconus Card. Corsinus.
- † Ego *Agabius Sancte Agathe* Diaconus Cardin. Mosca.
- †
- † Ego *C. S. Maria in Porticu* Diaconus Card. Sacripantes.
- † Ego *M. SS. Cosme, & Damiani* Diaconus Cardinalis Bolognettus.
- † Ego *H. S. Angeli in Foro Piscium* Diaconus Cardinalis Columna.
- † Ego *P. S. Georgii in Velabro* Diaconus Cardinalis Columna.
- † Ego *A. Sancte Maria in Aquiro* Diaconus Cardinalis Tanari.
- † Ego *H. S. Adriani* Diaconus Cardinalis Bardi.
- † Ego *D. SS. Viti, & Modesti* Diaconus Card. Ursinus.
- †

D. Card, Passioneus.

J. Datarius.

V I S A
de Curia I. C. Boschi,

Loco **Plumbi.**

J. B. Eugenius.

Registrata in Secretaria Brevium.

